



ბრენდირებული საქონლის სახელმწიფო შესყიდვის შესახებ
სატენდერო კომისიის სხდომის
ოქმი №01

ქ. თბილისი

3 აპრილი, 2023 წელი

სხდომას თავმჯდომარეობდა:

ლანა ჯიბლაძე – შესყიდვების სამსახურის უფროსი, კომისიის თავმჯდომარე;

სხდომის მუშაობაში მონაწილეობდნენ:

კომისიის წევრები: ნონა წიკლაური, ვაკო ვარამაშვილი.

დღის წესრიგი:

ელექტრონული ტენდერის გამოცხადების მიზნით, ბრენდირებული საქონლის სახელმწიფო შესყიდვის შესახებ სატენდერო პირობების განხილვა, დამტკიცება.

მოისმინეს:

სატენდერო კომისიამ მოისმინა სატენდერო კომისიის თავმჯდომარის გამოსვლა: „სსიპ „საჯარო რეესტრის ეროვნული სააგენტოს“ შესყიდვების სამსახურში წარმოდგენილია საჯარო რეესტრის ეროვნული სააგენტოს საჯარო რეესტრის ეროვნული სააგენტოს ადმინისტრაციული დეპარტამენტის საზოგადოებასთან ურთიერთობის სამსახურის უფროსის ანა ფილაურის 2023 წლის 23 მარტის N 71662/17 მოხსენებითი ბარათი, რომლის თანახმად სააგენტოს სხვადასხვა ღონისძიებისა და შეხვედრის ორგანიზებისას ესაჭიროება სხვადასხვა სახის ბრენდირებული ნივთების შესყიდვა“.

ზემოაღნიშნულიდან გამომდინარე, შესყიდვების სამსახურმა მოამზადა და სატენდერო კომისიის წევრებს გადასცა სატენდერო პირობების პროექტი. ამასთან, სატენდერო კომისიის წევრებს, მიეწოდათ ინფორმაცია ბაზრის კვლევის შედეგებზე:

ბაზრის კვლევის მიზანს წარმოადგენდა შესყიდვის ობიექტის სავარაუდო ღირებულების დადგენა. ბაზრის კვლევა ჩატარდა ელექტრონული კომუნიკაციის საშუალებით, 24 პოტენციურ მიმწოდებელთან, რომელთაგანაც ბაზრის კვლევაში მონაწილეობა მიიღო ორმა მიმწოდებელმა.

განიხილეს:

სატენდერო კომისიამ განიხილა ბრენდირებული ნივთების შესყიდვაზე ბაზრის კვლევის შედეგები და მიზანშეწონილად მიიჩნია, შესყიდვის ობიექტის სავარაუდო ღირებულებად განისაზღვროს ბაზრის კვლევის შედეგად დაფიქსირებული უმცირესი ღირებულება.

სატენდერო პირობების ჩამოყალიბებისას გათვალისწინებული იქნა, როგორც შემსყიდველი ორგანიზაციის მიერ უკვე განხორციელებული ანალოგიური შესყიდვების გამოცდილება, ბაზრის კვლევის შედეგები, ასევე სახელმწიფო შესყიდვების ერთიან ელექტრონულ სისტემაში განთავსებული ინფორმაცია. აღნიშნული ინფორმაციის ანალიზი ადასტურებს, რომ ბაზარზე ოპერირებს მიმწოდებელთა საკმარისი რაოდენობა, რომელთაც აქვთ შესაძლებლობა, ტენდერში მონაწილეობის სურვილის შემთხვევაში, დააკმაყოფილონ სატენდერო დოკუმენტაციით დაწესებული მოთხოვნები.

სატენდერო კომისიის წევრებმა იმსჯელეს წარმოდგენილი სატენდერო განცხადებისა და დოკუმენტაციის შესახებ და აღნიშნეს, რომ დოკუმენტაცია სრულად შეესაბამება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნებს.

კომისიამ დაადგინა:

1. დამტკიცებულ იქნეს ბრენდირებული საქონლის შესყიდვის შესახებ განცხადების ტექსტი და სატენდერო დოკუმენტაცია.
2. შესყიდვის ობიექტის ღირებულებად განისაზღვროს 186 595 (ასოთხმოცდაექვსი ათას ხუთას ოთხმოცდათხუთმეტი) ლარი, დღგ-ს გათვალისწინებით.
3. შესყიდვის ობიექტის იდენტიფიკაცია განისაზღვროს კლასიფიკატორის შემდეგი კოდის შესაბამისად: 22462000 - სარეკლამო მასალა.
4. დაევალოს რეესტრის ეროვნული სააგენტოს შესყიდვების სამსახურს, უზრუნველყოს ელექტრონული ტენდერის ჩატარების შესახებ განცხადებისა და სატენდერო დოკუმენტაციის ატვირთვა სახელმწიფო შესყიდვის ერთიან ელექტრონულ სისტემაში.
5. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-3 მუხლის პირველი პუნქტის „ბ“ ქვეპუნქტისა და ამავე მუხლის მე-2 პუნქტის შესაბამისად, ელექტრონული ტენდერი გამოცხადდეს/ჩატარდეს ელექტრონული ვაჭრობის დაფარული მონაცემებით, დამატებითი რაუნდების გარეშე, აბრევიატურით NAT.

სატენდერო კომისიის თავმჯდომარე - ლ. ჯიბლაძე

სატენდერო კომისიის წევრი - ნ. წიკლაური

სატენდერო კომისიის წევრი - ვ. ვარამაშვილი